

Manipulum florū præcipue recentium, in infuso aquoso, aut vino, alvum bene atque sine ulla molestia ducere, fatis compertum habemus. Fructus si maturus, esculentus est; ex quo immaturo succus expressus sub nomine Akaciæ germanicæ prostabat adstringens. Ex eodem fructu nigrum colorem conficere solent.

Onomat. Botan.

P E N T A G Y N I A.

SPIRÆA FILIPENDULA: foliis pinnatis; foliolis uniformibus, serratis; caule herbaceo; floribus corymbosis.

Radix, herba, officinalia sunt. Radix diuretica est; folia infusa, vel decocta, in Ictero convenient. *BOERHAAVE. DALE.*

P O L Y A N D R I A

M O N O G Y N I A.

ACTÆA SPICATA: racemo ovato; fructibus baccatis.

Planta veteribus jam ut venenata nota; Aconitis ab iisdem ideo adnumerata; ut à LINNÉ *Fl. Lapp.* N°. 217. p. 176. suspicatur.

„ Unum vel alterum *inquit* novimus triste ex-
„ emplum eorum, à quibus baccæ assumentæ;
„ ut mirum nobis non videatur, cur Veteres
„ eam ad Aconita demandaverint. „ Baccæ
„ ipsæ

158 POLYANDRIA MONOGYNIA.

ipsæ atræ, malignam suam indolem produnt. Ex iisdem baccis cum Alumine coctis sat nigrum atramentum confici potest. *Cl. GMELIN*, de radice hujus plantæ refert, hanc loco Hellebori nigri externe interneque adhiberi posse: ut *LIETAUD* affirmat. *GUERIN* *Dissert. de Venen. Vegetab. Alsat. p. 12.* de venenata plantæ hujus indole dubitat.

ACTÆA RACEMOSA: racemis longissimis; fructibus siccis.

Tetra, foetida, venenata stirps; cuius in officinis radix asservatur: pellente, sudorifera, anodyna, repellente vi praedita: à *LINNE*. Baccas nigras multum venenatas fert. *Cel. de CRANTZ*, jam antiquitati suspectas.

SANGVINARIA CANADENSIS: folium radicale tenerime in finu foveat, & amplectitur infantiam floris, more *Osmundæ Lunariæ*; & est Folium unicum cucullatum; & Scapus uniflorus e singula gemma radicis bivalvi. Stamina meæ vix habuere Antheras polliniferas, an dioica? Lactescens succo flavo *Chelidoniæ*.

De hac *MORISON hist. Oxon.* 2. p. 257. sequentia notat.

„ Radicem habet carnosam, ut & folia
„ succo flavo, aut aureo, virus quoddam olen-
„ te turgida; si quælibet ejus pars rumpatur;
„ illico praedictus succus emanat; quemadmo-
„ dum succus albus, aut lacteus distillat ex

„ Ti-

POLYANDRIA MONOGYNIA. 159

" Tithimalorum , aut Ficuum , multarumque
" herbarum partibus ruptis aut abscissis . " Hinc
non absque fundamento venenatis ejusmodi Stir-
pibus à LINNE' adnumeravit.

CHELIDONIUM MAJUS : pedunculis um-
bellatis. *Oed. Dan.* 542.

Planta radicem & herbam officinis largitur ;
plantæ succus luteus , amarus , acris , deurens.
diuretica , & diaphoretica vi pollet à LINNE' .
Visum acuere , bilem per alvum , & urinam du-
cere ; hinc in Ictero , Obstructione lienis , he-
patis , uretherum commendat SCHRÖDER : cru-
dam plantam , vel succum , non tuto intus af-
sumi propter acrimoniam BUXBAUMIUS notat ,
DALE' .

In quibusdam Regionibus planta magno est
in usu , & imprimis Virgines chloroticæ tem-
pore verno , planta aut infusa , aut in Lacte co-
cta utuntur.

Notandum vero est Chelidonium hoc non
esse Chelidonium Antiquorum , & DIOSCORI-
DIS ; ut Ferrarienses , & post illos LEONAR-
DUS FUCHSIUS indicarunt.

PAPAVER SOMNIFERUM : calycibus ca-
psulisque glabris ; foliis amplexicaulibus , in-
cisis.

Celebris planta ob succum inspissatum , jam
Antiquis notissimum sub eodem quo nunc Opii
nomine . Hoc ut docet DIOSC. Lib. 4. Cap.
22. sit duobus modis : vel enim contunduntur
folia ,

folia, & caules ipsius Papaveris atque ex illis contusis succus exprimitur, qui exsiccatus atque in usum servatus dicitur Moeconium; vel inciduntur scapi secundum cutim, & ex incisura succus ille, qui instar lacrymæ depluit, digito colligitur, & dein concretus servatur, atque postremum hoc genus solet vere nuncupari Opium. Et, ut DIOSCORIDES monet, Moeconium est multo viribus inferius hac lacryma, quæ verum est Opium.

Porro recens viridisque fere tantum planta succo hoc, ob quem solum efficax est, abundanti scatet; ut cuilibet vel acicula tantum viridia adhuc Papaveris capita, vel caulem pungenti compertum. Quare magna cum prudentia in *Pharmacopœa Austriaco-Provinciali* pag. 51. adnotatum est, herbam recentem pro unguento Populeo sumendam.

Magnus Opii quotidianusque apud Orientales populos abusus est; cuius uti debitus usus magna commoda, ita præposterus copiosusque maxima mala creat: ut *Illustriſſ. à LINNÉ Amœn. Acad. 6. p. 182.* adnotat. "Turcæ olim hoc magis quam hodie abusi sunt, qui id à grano ad drachmam usque sumunt, prout longiori usu in consuetudinem cessit naturalem. Hoc pellit curas, mæsthitiam, & periculorum metum, excitat hilaritatem, risum, oblivionem, stultitiam, furorem; quamobrem etiam Imperatores eorum saepe

" mi-

illis
que
inci-
ura
rito
po-
um.
est
ve-
an-
ab-
um
em
ru-
ali
ro
ta-
sus
que
TÉ
cæ
qui
out
ra-
pe-
ri-
n;
pe

99 militibus in aciem educendis, drachmam
99 opii viritim præbent, ut hostem imperterriti
99 aggrediantur. Justo autem major dosis si
99 accipiatur, pupillæ dilatationem, ruborem
99 faciei, balbuciem, singultum, maxillæ re-
99 laxationem, & alia ejusmodi mala gignit. Qui
99 Pharmaco hæroico-hoc diu abusi sunt, he-
99 betes inde fiunt, incurii, stupidi, elingues,
99 macilenti, melancholici, tremuli, præcocci
99 senectute, sed rationi convenienter usurpa-
99 tum hæroicum est medicamentum, & dia-
99 tetice recreat validius, quam ullum aliud
99 hucusque cognitum[“]: hæc LINNÆUS ZIC-
KERT *Mat. Aliment.* graphice etiam effe-
ctus Opii describit. “Opii inquit unum vel
99 alterum granum Europæis lethale. Orien-
99 talibus in deliciis, ut Magnates præcipue
99 de die pluries opio utantur, neque parvam
99 assumant quantitatem, sed multa ab hujus
99 usu patiuntur mala; emaciatur enim corpus,
99 laxantur vires, contristatur animus, stupe-
99 scit ingenium, unde videoas adinstar stipi-
99 tum, somnolentos, & quasi elingues, sedere
in Conviviis opii liguritores.

Plura de Opii viribus qui desiderat, adeat
PETRI de ABBANO *de Venenis Cap. 25. &*
26. MERCURIALIS Lib. 2. Cap. 7. de Ve-
nenis ore sumtis, STALPART WANDER-
WIEL observ. 42. de Opio. ubi plurima fune-
sta exempla ex variis collecta Auctoribus enar-

162 POLYANDRIA MONOGYNIA.

rantur. *Mat. Med. Cel. de CRANTZ*, SPIELMANN, & innumeros qui de ejus viribus methodoque exhibendi scripserunt Practicos Autores.

PAPAVER RHOEAS: capsulis glabris globosis; caule piloso, multifloro; foliis pinnatifidis, incisis.

Rhæados flores in officinis inveniuntur; hi SPIELMANNO referente Sæculo XVI. in usus Medicos recepti fuisse videntur; amariuscui, narcotici à LINNÉ. SPIELMANNUS vero flores hos, demulcendo, & relaxando potius, quam propria vi anodyna, in doloribus pectoris, abdominis, & cum acrimonia obtinet, agere credit,

ARGEMONE MEXICANA: capsulis sex valvibus; foliis spinosis,

Plânta integra succo flavo scatet.

Flos, capsula, semen, pectorales, anodynæ, somniferæ. Folia externe ad oculorum Inflammationes sedandas, Vulnera consolidanda adhibentur.

CAMBOGIA GUTTA: Corolla quadripetalia. Calyx quadriphyllus, Pomum octolocular. Semina solitaria.

Gummi-resina in officinis ex hac plantæ asservatur sub gummi Guttæ nomine; lutea, opaca, nitida, draistica, hydragoga à LINNÆ.

Da

POLYANDRIA MONOGYNIA. 163

De gummi hujus generatione multæ apud Antiquos existunt opinones. Alii enim naturale esse ajunt, alii factitium; quidam ad Esulam referunt. BONTIUS ad Esulæ affinem plantam refert; alii ad flores Ricini Indici; colorem vero ex Circuma advenire: alii autem à Tithymalo, & Scammoneo derivare co-
nantur: teste DALE.

Nunc scimus plantam, de qua sermo, succum fundere resinoso-gummosum; qui concretus in officinis gummi Guttæ sub nomine venit acris, nauseosus, per superiora & inferiora æque ex-purgans, hydropicis utilis. In hoc medicamento id tenendum est, quod licet emeticum sit, bis tamen lotum purgans placidum fiat: JONSENIUS Prodr. Act. Med. Hafnienium referente Cel. de CRANTZ. Medicamentum hoc CLUSIO anno 1603. missum, & Indos hoc ad evacuandos humores aquosos uti, relatum fuit. LOTTIHIUS qui cum anno 1626. proprium de eo tractatum ediderit, plures sui ævi Medicos adducit, qui eodem cum successu ad Hydropem, Artrithidem, Asthma &c. fuerunt usi. Ad virulentiam medicamenti hujus corri- gendam alii Acidum Vitrioli, Acetum alii, adhibuerunt: SPIELMANNUS. Alii vero Sa- lem alcalinum fixum addunt. In arte pictoria pro colore flavo adhibetur.

NYMPHÆA ALBA: foliis cordatis, in- tegerrimis; calyce quadrifido.

164 POLYANDRIA MONOGYNIA.

Plantæ hujus flores, & radicem officinæ sibi vendicant; flores fragrantes, anodynæ, hypnotici. Radix acris, vesicans à LINNÉ.

Parisini radices ex Nymphæa lutea desumunt; has AVICENA refrigerare, leviter somnum inducere, dixit. DETHARDING radicibus in longum fissis, & plantis pedum applicatis, Tertianam crebro curatam fuisse, asseverat: SPIELMANNUS.

D I G Y N I A.

POEONIA OFFICINALIS: foliis oblongis.

Radix, semina, & flores Poeoniæ in officinis habentur. Planta integra tetra, fœtida; vi narcotica, antispasmodica, anodyna, hypnotica, emenagogæ; flores soporifera præcipue gaudent. à LINNÉ.

HIPPocrates & radices, & semina tanquam medicamenta uterina, nec non ad referandas viscerum obstructions, adhibuit. Plura superstitiosa absurdaque circa colligendi rationem, tempus, apud THEOPHRASTUM jam inveniuntur. Vide Mat. Med. SPIELMANNI.

TRI-

TRIGYNIA.

DELPHINIUM STAPHISAGRIA: nectariis tetraphyllis, petalo brevioribus; foliis palmatis; lobis obtusis.

Cum multum ad Aconita genus hoc accedit, integrum suspectum censem BOERHAVE, & à LINNÉ. Semina plantæ hujus, quæ in officinis usu veniunt, rugosa, nigricantia, triquetra, saporis acris, & fervidi exurentis, integrati, & nauseosi odoris. DALE.

Nauseosa, draistica, exanthematica, anthelmintica phthiriaca à LINNÉ. Usus exterius olim contra pediculos, acaros subcutaneos &c. etiam in Odontalgia erat.

ACONITUM LYCOCTONUM: foliis palmatis, multifidis, villosis.

Maligna est planta hominibus æque, ac aliis animalibus perniciosa: *Raj. hist.* DALE. Malignas vires easdem cum subsequente possidere creditur; tamen ex experimentis ILLUSTRISSIMI L. B. à STORCK mitior omnino est.

ACONITUM NAPELLUS: foliorum laci- niis linearibus, superne latioribus, linea exaratis.

Planta uti & integrum genus venenatissima, amara, acris, nauseosa, toxica; vi corrodente, vesicante, excoriante, vomitoria, draistica, convulsiva, vertiginosa, sternutatoria,

pellente, sudorifera gaudet à LINNÉ. Herbam officinæ asservant. Veteres admodum vage Aconiti voce usi, ea diversissimas plantas, & vel Ranunculos indigitarunt; nec ad liquidum deducta est SYLVATICI conjectura, quod Napellus Arabum nostra planta sit. *Mat. Med. SPIELMANN.* Hinc neutiquam omnes, quas Veteres de Aconito habent observationes, *huc adducendas credo.*

Ipsa effluvia, & exhalationes plantæ, sive illa à natura producantur, sive ignis ope expellantur; pollen antherarum naribus attractum, aut aliqua alia pars plantæ cuti applicata, nocivos in corpus humanum quoque modo exerunt vires: & licet quælibet plantæ pars interne assumta deleterios producat effectus, vehementissimas tamen, ut experimenta monstrant, vires possidet radix. *WEPFER, HILLEFELD, SPRÖEGEL* observarunt vomuisse inde; resoluta, & convulsa fuisse bruta; & sic enecatorum animalium intestina ab omni Inflammatione, & erosione libera viderunt. *MATTHIOLUS ad Lib. 4. Cap. 73. Diosc.* adducit experimenta, Romæ sub *CLEMENTE VII^{mo}.*, & Pragæ in hominibus lege ad mortem damnatis cum Aconito instituta; ubi Syncope, Paralysi, Adfectibus soporosis periisse latrones narrat. Quæ diffuse descripta inventies in laudata jam *Dissertatione Professoris GMELIN, in Dissertatione Medica de vegetabili-*

POLYANDRIA TRIGYNIA. 167

tabilibus Venenatis Alsatiæ Anno 1766. à
FRANCISCO ANTONIO GUERIN. pag. 7. 8.
& ultra. Hic breviter tantum, quæ P. de AB-
BANO Lib. de Venenis Cap. 30. recenset,
adjungam. „ Cui Napelli succus sive ejus fru-
ctus, sive ejus substantia data fuerit, in spa-
tio unius diei aut trium moritur, & patitur
ante hæc syncopen, & defectum cordis, &
denigrationem, & defuscationem paulatim
omnium membrorum, & deinde tuinet to-
tum corpus, & oculi ejus foras prominent,
& linguam in ore continere non potest.

Plantam hanc adeo evidenter perniciosa-
primus *Illustriſſ. L. B. A. STÓRCK* in usus me-
dicatos recipere ausus est: quantum vero gene-
ri humano invento hoc emolumenti adtulit,
qui Librum Ejus de hac planta, qui repetita
in diversis Regionibus felicissimo cum successu
in indicatis ab *Illustriſſ. VIRO* casibus perva-
vet, protinus agnoscat. In hunc finem legi
omnino meretur *Difſert. Medica SAMUELIS*
ABRAHAMI REINHOLD de Aconito Napello
Anno 1769. Argentorati edita, ubi præter plu-
ra ad eruditionem Botanicam facientia, Analy-
sis Chemica succi ex planta expressi, inde
formati extracti; tum varia experimenta pra-
etica a celeberrimis in Arte Viris ad mentem
ILLUSTRISSIMI LIBERI BARONIS
DE STÓRCK instituta exponuntur.

ACONITUM ANTHORA: floribus pentaginis; foliorum laciniis linearibus.

Radicem officinæ passim conservant parvam, crassam, brachiatam, foris fuscum, intus albida, saporis acris, odoris ingrati. DALE. Amara acris, toxica radix; vim purgantem, anthelminticam possidet: à LINNÉ.

P E N T A G Y N I A.

AQUILEGIA VULGARIS: nectariis incurvis.

Herba toxica, quæ in officinas cum floribus seminibusque recipitur; vi pellente, exanthematica nota à LINNÉ: solventes, diureticas vires illi attribuit DALE.

Flores dulciusculi sunt, & materiem pro Melle, & Cera apibus suppeditant.

NIGELLA SATIVA: pistillis quinis; capsulis moricatis, subrotundis; foliis subpilosis.

Planta semina officinis largitur acria, fragrantia, toxica; quæ pellente, errhina, sialagogia, sternutatoria, emenagogia, lactifera, anthelmintica vi gaudent à LINNE: in internum nunc vix recipiuntur usum. Olim à GALENO ob vires anthelminticas, beccicas, & emenagogas laudabantur. Plures plantam suspectam credunt. Ruricolæ semina hæc loco aliorum aromatum cibis solent adjicere. Aquam cum his

his conquassatam scopo errhino in usum trahimus SPIELMANNUS.

P O L Y G Y N I A.

ANEMONE PULSATILLA: pedunculo involucrato; petalis rectis; foliis bipinnatis.
Oed. dan. 153.

Herba officinalis, olim exoleta, acerrima, toxica, corrodens, rubefaciens à LINNÉ. Radicem acrem esse, & sternutationem provocare, testatur DALE. Integumentis impositam vesicantes, & rodentes effectus edere, MATTHIOLUS quoque monet. A Syrupi ex floribus parati usu Phytisin excitatam vidit HAVING, referente GUERIN. Folia bono cum effectu ad Ulcera inveterata adhibentur, & ad Vulnera equorum. Flores vero ad viride tingendum usu veniunt. *Cl. GMELIN.*

ANEMONE PRATENSIS: pedunculo involucrato; petalis apice reflexis; foliis bipinnatis; *distincta species a praecedenti.*

Aposite hic adnotat in ultima editione systematis a LINNÉ distinctam a praecedenti speciem hanc esse; nam ab Antiquis saepissime cum ea, ob maximam similitudinem, confundebatur: unde factum, ut alii admodum acrem, alii non adeo observarint; prout hanc, vel illam plantæ speciem habuerunt. Certissimum enim id est, plantam, de qua sermo, longe

170 POLYANDRIA POLYGYNIA.

acriorem præcedente esse, & inter omnes con-
generes acerrimam. Hanc *Illustriſſ. L. B.* &
STÖRCK sub nomine *Pulsatillæ nigricantis* in
officinas introduxit, magna ejus vi ad morbos
oculorum antiquos curandos detecta. Cujus
usu multi visum jam a pluribus annis deperdi-
tum recuperarunt, plurimis levamen adtulit.
Experimentum pro more suo *Magnus ille Vir*
primo in se *Ipsa* instituit, tum ægris medica-
mentum exhibuit. Aquam plantæ absque ra-
dice distillatam emeticam invenit. Metho-
dus exhibendi, & particulares casus, in quibus
propinata planta fuit, in singulari de hac *libro*,
quem erudito Orbi in commune bonum com-
municavit *Vir Ille Illustriſſimus*, legendi.

ANEMONE SYLVESTRIS: pedunculo
nudo; seminibus subrotundis, hirsutis, mu-
ticis.

Planta, cuius herbam officinæ recipiunt,
viribus cum sequenti convenit. **DALE.**

ANEMONE NEMOROSA: seminibus acu-
tis; foliis incisis; caule unifloro. *Oed. Dan.*
549.

Flores plantæ hujus sub nomine *Ranuncu-*
li albi florum in officinis veniunt; planta acris
toxiča, corrodens, cosmetica à *LINNE'*. Fo-
lia ejus officinas *Anglicas* intrare testatur **DA-**
LE, atque acrem, & calidam hanc plantam
cutim exulcerare tradit; quod de radice præ-
cipue dici potest, quæ in doloribus dentium,

ut

POLYANDRIA POLYGYNIA. 171

ut vesicans, bonos effectus præstat, si manui applicetur partis affecti dentis: *Cl. GMELIN.* Observationes docere hanc plantam bobus præcipue Diarrhæas, ovibus vero Fluxus hepatici speciem, Inflammationes causare. *Onom. Botan.* Quare apposite monet *Cl. GMELIN*, cum planta hæc in pratis frequens occurrere aliquando soleat, non prius falcem in messem immittendam esse, antequam planta hæc penitus emarcuerit. *Sanguinalis.* Veterum herba teste *Illustriſſ. a LINNE'* *Amaen. Acad. 7. p. 428.* nil aliud est, nisi *Anemone* hæc nemorosa, quam intactam boves relinquunt, qui cum ea adolevere; ast vero e campeſtribus locis, ubi non crescit, in sylvatica, ubi frequens est, delati, eam comedunt; & Dysenteria inde, ac Hæmaturia contracta, contabescunt.

ANEMONE APENNINA: seminibus acutis; foliolis incisis; petalis lanceolatis, numerosis.

Herba, & radix in usum Medicum trahuntur: vi acri pollet; commanducata radix pituitam trahit *Diosc. DALE.*

ANEMONE RANUNCULOIDES: seminibus acutis; foliolis incisis; petalis subrotundis; caule subbifloro. *Oed. dan. 140.*

Jam ipsa cum præcedentibus adfinitas, magis vero testimonium **CORDI**, qui ejus petiolas acerrimos, radicem vero venenatam affert,

rit,

172 POLYANDRIA POLYGYNIA.

rit, sufficientia sunt argumenta, ut planta hæc
venenatis adnumeretur.

Ut ut flores plantæ hujus acres sint, apes
nihilominus materiem pro Cera ex iis colligunt:
CZ. GMELIN.

CLEMATIS VITICELLA: foliis compo-
fitis decompositisque; foliolis ovatis, sublo-
batis, integerrimis. Folia floralia ovata. Pe-
tala deltoidea.

Herba, & semen olim officinalia erant:
semen tritum pituitam bilemque detrahi; folia
illita Lepram purgare, testatur **DALE.**

CLEMATIS VITALBA: foliis pinnatis;
foliolis cordatis, scandentibus. Variat foliolis in-
tegris, & incisis. (*Exclusa Americana*).

Tota planta passim officinalis est: in flore,
cortice, semine, radice vis urendi residet;
cortex cuti applicatus vesicas trahit. **DALE.**
Nihilominus novi plantæ hujus surculi in usum
alimentarem, in acetariis, Parisis etiam tra-
huntur, qui leniter alvum ducunt. Antiqui
Medici purgandi scopo drachmam seminum
præscribere solebant. Majori cum securitate
folia ad vesicas trahendas in Podagra aliisque
casibus in usum trahuntur. Plantas sibi vicinas
suffocat. Ex seminibus per experimenta **SCHÆ-
PERI** papirus mediocris fieri potest. Plura
apud *CZ. GMELIN* videri possunt, unde hæc
etiam extraxi.

CLE-

CLEMATIS FLAMMULA: foliis inferioribus pinnatis, laciniatis; summis simplicibus, integerrimis, lanceolatis.

Planta quæ cum præcedenti sæpiissime confunditur, convenit etiam cum illa, quo ad utiles, & noxias dotes: **GMELIN.**

CLEMATIS ERECTA: foliis pinnatis; foliolis ovato-lanceolatis, integerrimis; caule erecto; floribus pentapetalis tetrapetalisque.

Herba cum floribus in officinis usu venit; vim urendi cum aliis habet. **DALE.**

In officinis sub nomine Flammulæ Jovis quærenda, atque de ejus interno externoque usu, *Libellus* de hac *Illustissimi L. B. a STÖRCK* consulendus: ubi inveteratas diuturnasque Cephalalgias, pertinacissimas Scabies, Arthritides, inveterata, & sordida Ulcera, Cancros &c. interno externoque hujus plantæ usu felicissime, ubi alia remedia incassum adhibita fuere, curata fuisse; quilibet ex adductis numerosis experimentis se se convincere poterit.

THALICTRUM FLAVUM: caule folioso, sulcato; panicula multiplici, erecta.

Radix, herba, in officinis nota ob vim incidentem, alvum moventem, urinam cimenti. Radix optimum Rhabarbari substitutum esse creditur; unde in Germania Rhabarbarum dicitur **DALE.** Ejus varietas, quæ Thalictrum speciosum audit, radicem flavam, amaram, vi-

ribus

174 POLYANDRIA POLYGYNIA.

ribus cum priori convenientem, officinis dat; hanc Rhizopolæ inepte pro Rhabarbaro venditant, teste laudato DALE.

THALICTRUM AQUILEGIFOLIUM: fructibus pendulis, triangularibus, rectis; caule tereti.

Radicem purgare æque ac Rheum, & tanquam succedaneum quam proxime accedere, à PALMERO nonnullisque aliis fertur. *Amens Acad. 7. p. 305.*

ADONIS VERNALIS: flore dodecapetalo; fructu ovato. *Jacq. Austr. t. 44.*

Radix plantæ hujus amara est, & acris; venditur loco radicis Hellebori nigri; hanc deleteriam esse RAJUS affirmat. Verrucas æque ac Ranunculus tollit: DALE.

RANUNCULUS FLAMMULA: foliis ovato-lanceolatis, petiolatis; caule declinato. *Oed. 572.*

Herba hæc in officini passim sub nomine Flammulæ venit (à Flammula Jovis distingenda) cum reliquis Ranunculi speciebus vi caustica convenit: DALE. Animalibus noxia planta, ovibus, & equis maxime. Cumque acredine sua nulli fere Ranunculorum cedat, facile colligitur, in humanum etiam corpus funestos præstituram plantam effectus; quod ex ejus vi vesicas trahendi perspicitur: nihilominus ob ipsam vesicantem vim ad Tumores duros, Clavos pendum, Verrucas, & similia, laudatur. Exsiccata radix

radix multum de sua caustica vi perdit; hinc etiam exsiccatam animalia absque noxa vorant. Acerrimum vesicans mendicis, ut hominum misericordiam in quæstum vertant, adhibetur. de CRANTZ.

RANUNCULUS LINGVA: foliis lanceolatis; caule erecto. *Mant.* 407.

Herba quæ officinas olim pharmaceuticals intrabat, cum priore omnino viribus convenit. DALE. Maxima ejus acredo in foliis, & semine residet. *Cz. GMELIN.*

RANUNCULUS FICARIA: foliis cordatis, angulatis, petiolatis; caule unifloro. *Oed. dan.* 491.

In officinis sub nomine Chelidonii minoris radix, & herba plantæ hujus prostant; acrimonia evidenti gaudent: ut GALENUS, dum Chelidonium minus majore acrius esse dixerit, hanc intellexit plantam; quippe, quam recentem, cutim in vesicas elevare, *Cz. KRAPFF* testatur, SPIELMANN. Radix hæc, si sub, vel post florescientiam effodiatur, aut si diu aeri exposita extra terram jacuerit, vel coctione ipsa, integre acredinem hanc amittit; & tunc mucilaginosa evadit: ut BOERHAAVIUS dococ tam radicem, sub forma unguenti, ad duas etiam uncias, ad Hæmorrhoides præscriperit bono cum successu. Ex radice sic tractata, ut de Colchico dictum, Amylum confici potest. *Cz. GMELIN.*

176 POLYANDRIA POLYGYNIA.

LIN. Folia adeo mitia sunt, ut teste *Illustriſſ.*
à LINNE' variis in locis in acetaria recipiantur
hæc remediis antiscorbuticis adnumerata fuiffę,
Cl. GMELIN affirmat.

RANUNCULUS THORA: foliis reniformibus, subtrilobis, crenatis; caulino sessili; floribus lanceolatis; caule subbifloro. *Jacq.*
obs. 25. t. 13. Calix coloratus reflexus.

Omnes hujus plantæ partes vehementi acrimoniam scatent; tamen dum semina ad maturitatem perveniunt, cauſtica foliorum indoles pro magna parte mitescit; & planta exſiccata, acredine sua orba fere ex integro deprehenditur. Hujus externus internusque uſus, varia magnaue corpori humano inducit mala. Nonnullum obſervata insuperabilem inde Torporem ortum adnotant. Conjecturæ aliquorum plantam hanc esse volunt, cuius ſucco antiquæ nonnullæ Gentes fagittas suas inficere conſueverant, ut ſic inflatum vulnus lethale fit. Radices plantæ hujus Afari radicis loco, & in Anglia magno cum damno ſub nomine radicis Gentianæ luteæ venduntur.

Herba officinas Pharmaceuticas paſſim intrat, vi cauſtica prædita. DALE. Et monente *Cel. de CRANTZ* Ranunculus Thora omnium venenatissimus eſt.

RANUNCULUS SCELERATUS: foliis inferioribus, palmatis; ſummis digitatis; fructibus oblongis. *Oed. dan. 570.*

Vene-

Venenatissima Ranunculi species sub diversis nominibus Antiquitati jam nota, & damnata. Sardonia herba, Apium risus, Ranunculus, nomina sunt, quibus Antiquitas ad designandam hanc herbam usa fuit. Quod venenatam ejus indolem adtinet, AMATVS LUSITANUS *Comment. in Diosc. Lib. II.* hæc adnotat. „ Secundum vero Ranunculi genus Apium risus dicitur, vel potius herba Sardonia, quæ ridendo interficit: de qua APULEIUS dixit, si quis eam gustaverit jejunus, ridendo exanimabitur, unde risus Sardonius dictus est, & ut SALUSTIO placet, nervos labiorum & oris musculos illius qui eam comedit, contrahere facit, adeo ut ridendo mori videatur. Novimus nos, ait ultra laudatus Auctor apud Antverpiam hodie omnium civitatum facile reginam nonnullos Juvenes Italos in acetario herbario hanc degustasse herbam, quorum aliqui illico vitam cum morte commutarunt; alii vero, qui subito ad Antidota & medicamenta vomitoria confugere, evaserunt, benefica enim herba hæc est, & viæ humanæ adversa. „

PETRUS de ABBANO *Cap. 28. inquit*, Cui datus fuerit Apium risus, facit hominem extra mentem, & continuo ridet, propter hoc vocatur Apium risus. „ DALE in sua *Pharmacologia*, venenatissima ait herba in officinas introducta, integra caustica, ut folia,

M „ flo-

„ flores, & calyculi recentes illitu exulcerent,
„ & crustas non sine dolore gignant. *Cel.*
KRAPFF *Magni Ducis Hetruriæ Archiater*
plura in feme tipso cum hac planta instituit ex-
perimenta, quæ *Cl. GMELIN* in *laudata jam*
toties Dissertatione adducit. Planta hæc, ut ut
venenata, cum successu in Medicina adhiberi
potest, ac in primis vesicantis loco. Aqua in-
de destillata acerrima, in Ulcera inveterata si-
nuosa, quorum labia callosa sunt, cum bono
effectu inicitur. In internum etiam usum trahi
potest, saltem herba, & flores; si bini mani-
puli in mensura aquæ binis coquantur horis,
debitè condiantur, tunc non modo gratum fer-
culum præbent, sed etiam dulcificantem, tem-
perantem medicinam; & quod gratum adtinet
saporem, liquiritiæ præferendum: in incipien-
te Catharro, Tufsi, quæ ab acrimonia irritan-
te, vel abrafo muco originem suam dicit, cum
effectu adhiberi potest, & varia huc indicata
addi. Eodem modo ipse expressus plantæ suc-
cus, si centum circiter aquæ partibus diluatur,
ut medicamentum aperiens, solvens, penetrans,
in variis morbis inservire poterit. Hæc *Cl.*
GMELIN. *GALENUS* planta hac in morbis cu-
taneis interne, & externe in balneo usus fuit.

Radix in Majo effossa, dum planta in flo-
re est, potest cruda, tanto magis cocta, satis
magna copia absque sanitatis præjudicio come-
di: *Cl. GMELIN.* Eadem antiqua, exsiccata,

ex-

excocta, acrimoniam suam perdit; ut luculenter appareat, a natura æque, ac Arte mitigari posse plantam; cuius vel vegetantis effluvia, vel sub coctionis tempus avolantes vapores, Inflammationes, Exulcerationes causant.

RANUNCULUS ACONITIFOLIUS: foliis omnibus quinatis, lanceolatis, inciso-serratis. Ranunculus albus, folio denso. *BAUH. hist.* 3. p. 844. Similis Ranunculo platanifolio, sed folia quinque partita ad petiolum usque, & caulis dimidio brevior. *I. B.*

Herba quæ officinas Pharmaceuticas quoque intrat, iisdem cum reliquis Ranunculis viribus pollet: **DALE.**

RANUNCULUS ALPESTRIS: foliis radicalibus subcordatis, obtusis, tripartitis; lobis trilobatis; caulino lanceolato, integerissimo; caule subunifloro. Ranunculus uniflorus, foliis lævibus, semi-trilobis, rotundis serratis; caulinis ligulatis. *Hall. flor.* 1167. Folia similia Ranunculi aquatilis natantibus. Calyx reflexus, glaber. Petala alba, biloba.

Ranunculus alpestris acerrimus est; Arthritidem vesicatorio ex hoc Ranunculo facto curratam habet. **CONSTANT. Med. Helv. Cel. de CRANTZ.** Aqua destillata vehementer alvum movet. *Onom. Botan.*

RANUNCULUS BULBOSUS: calycibus retroflexis; pedunculis fulcatis; caule erecto, multifloro; foliis compositis. *Oed. Dan.* 551.

180 POLYANDRIA POLYGYNIA.

Herba, radix plantæ hujus in officinas Pharmaceuticas recipitur; caustica vi pollet. Radix adurit, exulcerat, pustulas excitat; quare in erodendis, & exsiccandis duris Tumoribus, mirifice conduct; Verrucas pensiles, & id genus vitia tollit; teste TRAGO: perdit tamen hanc vim exsiccata. DALE.

RANUNCULUS ACRIS: calycibus patulis; pedunculis teretibus; foliis tripartito-multifidis; summis linearibus. Hujus varietates esse Ranunculum auriconum, & Ranunculum nivale, suspicatur HALLER.

Herba officinalis est; planta integra caustica: contusa, recens, si applicetur cuti, Dolorem, & Inflammationem excitat: DALE. Ranunculus acris etiam in vesicatorium vocatus fuit; hoc sanatus arthriticus: Cel. de CRANTZ.

RANUNCULUS ARVENSIS: seminibus aculeatis; foliis superioribus decompositis, linearibus. Oed. Dan. 219.

Folia, horum expressus succus, flores, ac præcipue germina, maximam possident acrimoniam; ut ex multiplice experientia D. Archiater KRAPFF docet: præcipue si tusa fuerint, vesicas in cute adtollunt rubras, Tumorem labiorum, linguæ, & interni oris efficiunt, doloremque immensum; stuporem ingratum dentium causant. Porro radix, & maxime semina, acrimonia gaudent cito evanescente; ut eæ etiam partes, quæ recentes, & crudæ, in sati

tis magno gradu acrimoniam hanc possident,
citissime illam per exhalationem perdant. *Cl.
GMELIN.*

RANUNCULUS AQUATILIS: foliis submersis capillaceis; emersis peltatis. *Oed. Dan.
376.*

Acrimonia hujus plantæ differt pro diversitate loci, ubi crescit; herba ejus inter dentes contrita, antequam flores prodierunt, & longe magis ipsi flores, vesicas cuti applicati adtolunt; in nasum adtracti vehementem Sternutationem movent. Cæterum planta ad usus Medicos necdum adhibita fuit. *Cl. GMELIN.*

HELLEBORUS NIGER: scapo subbifloro, subnudo; foliis pedatis. *Mant. 408.* Folia coriacea.

Helleborum, ab Helleboro fluvio prope Anticyram, ubi optimus crescere credebatur, nomen suum ducere, nonnulli autumant. Niger Helleborus, ut DIOSCORIDES testatur, Melampodion à Græcis appellatur; à MELAMPO Pastore, qui primus illum invenisse, ac furentes PROETI filias curasse fertur; cui subscribit PLINIUS *l. XXV. C. V.* ubi ad amusim de utroque Helleboro sermonem habet. An nostra planta Helleborus Antiquorum sit, necdum liquido patet: imo si DIOSCORIDIS descriptionem perpendamus, eam plantæ nostræ minime convenire animadvertemus. Nam primo folia Platano similia DIOSCORIDES dicit,

aspera, scabra, ubi in hoc glaberrima sunt; flores in caule colligi in racemos; radiculas longas atras prodire ex uno eodemque capite; quæ omnia, quoad maximam partem de nostro Helleboro dici nequeunt. Hanc DIOSCORIDIS descriptionem, postquam *Cel. Professor* de JACQUIN cum nostro Helleboro diligentissime contulerit; & ex manuscripto DIOSCORIDIS in Bibliotheca Cæsarea asservato, DIOSCORIDIS Helleborum in Olimpo crescere didicerit; ab Amico suo, tunc temporis Constantinopoli degente, plantam hanc DIOSCORIDIS petiit, & obtinuit, sed absque foliis: radix nullo pacto distingui poterat à radice Hellebore nigri nostratis, nisi solo acriori sapore; hinc dubium semper adhuc manet, quænam sit DIOSCORIDIS planta.

Helleborum Veteribus, in frequenti usu fuisse neminem latet; & eos quoque tanquam medicamentum multum conmovens adhibuisse: sed Majorum monumenta circa Helleborum evolventi, probe observandum est, eos crebro non modo album intelligere, sed & diversissimarum planatarum radices sub nomine Hellebore nigri Ipsius venire. Hinc vix Patrum observata indiscriminatim ad nostras radices licet applicare SPIELMANNO testante. Id autem experientia teste notum omnino est, radices plantæ descriptæ, ac præcipue extimum harum radicum corticem, acrem, vehementem, nauseosum esse: quæ, vires

vires cum maxime in parte ejus volatili resideant, antiqua radix pro majori parte dotibus his orba deprehenditur. Odor radicis vehementer ptarmicus est; hæc ab Antiquis, qui jam ejus vires coctione, Melle, Aceto, & similibus infringere conabantur; sub forma pulveris, haustrus, infusi, essentiæ, tincturæ, in Furore, morbis Vermium, Hydrope, Febri quartana, Mensibus suppressis &c. sœpe cum fundamento propinata, & laudata fuit. Recentiores etiam Medici, ut MEAD, in Mensibus referandis radicem hanc adhibuerunt; & idem *Auctor* vix unquam se spem in hoc casu fefellisse testatur. Nihilominus tamen, usus ejus cautus admodum sit oportet; cum vehementes alvi Fluxus, Vomitus, Inflammationes intestinorum, violentæ Sternutationes, ipsa mors, à præpostero ejus usu sequi visa est: idque in hominibus æque, ac aliis animalibus; equis, porcis, canibus &c. Coturnices hac pastæ planta venenatæ observatæ fuere; capræ alvi Fluxus ab ea experiuntur; & hominibus idem accidit, si infusum ejus tantum in Fonticulum infundatur.

Externe applicata radix vesicas trahit Setacei loco, aut vesicantis; decocti sub forma ad pediculos enecandos; pessus forma ad Menes provocandos; pulverisata ad labia Fistularum callofa tollenda adhibita fuit. Antiquis succo radicis hujus sagittas intingere moris erat.

184 POLYANDRIA POLYGYNIA.

Magnus adhuc radicis hujus usus est in Arte Veterinaria ad varios animalium morbos,

Porro sicuti de omnibus plantis in genere dictum est, id de hac quoque obtinet; radices hujus plantæ ratione variæ Patriæ varium virium gradum habere, Helveticas radices Hellebori nigri validiores esse quam Anglicas, **GEOFROI** est expertus; easdem in oriente cultas, a nostris diversas, & validiores esse **TOURNEFORT** testatur. Radix itaque plantæ hujus in officinis Pharmaceuticis obtinet; cuius loco radicem Hellebori viridis, minus in his religiosa Rhizotomorum turba, Pharmacopœis sæpenumero obtrudere solet; quæ fraus a Botanices perito, facili negotio eluditur; ob folia copiosiora, magis incisa, petala semper viridia. Vel Adonidis Apenninæ radix ab iisdem, ne Alpes concendere cogantur, pro radice Hellebori nigri substitui quoque solet; cui adeo similis est, ut Hellebori nigri radix, nonnisi acriori quem possidet sapore, ab hac distinguitur.

HELLERORUS VIRIDIS: caule bifido; ramis foliosis bifloris; foliis digitatis. *Mant.*

408.

Radix, & folia plantæ hujus officinas Pharmaceuticas intrant. Folia adversus Variolas aliosque morbos contagiosos mire commendat **D. JONSON** in cerevisia pota; radix easdem facultates cum nigro habet, & sumuntur indif-

cri-

criminatim; purgat inferiorem ventrem; pituitam, & flavam bilem dicit. DALE.

HELLEBORUS FOETIDUS: caule multifloro folioso; foliis pedatis. Folia omnia in caule versus radicem nulla,

Folia in officinas recipiuntur; pulvis foliorum exsiccatorum pauca quantitate verminibus pueris exhibetur, optimumque, & certissimum remedium vulgo æstimatur. Adnotat autem TRAGUS interne adhiberi non debere; sed ab illo cavendum, tanquam a pestilentissima herba. DALE.

Radix plantæ hujus odoris ingrati, saporis acris, secundum quorundam observationes vio- lenter in corpus humanum, & violentius ipsa radice Hellebori nigri agere solet. Alii volunt Vomitus a radice hac potius excitari; ut vero alvum ducere valeat, Rhei additamento opus habere. In morbis infantum à vermis, ut excellens anthelminticum laudatur: in pulvere, decocto, succo expresso, & cum Saccharo, & Aceto in Syrupum redacto; ubi quatuor, quinqueve cochlearia coffee de die infanti similis syrapi exhibentur. In Arte Veterinaria maximi quoque usus radix est; ac imprimis setacei loco ejus fibræ per aures perforatas traducuntur. In Delphinatu ut antidotum Hellebori albi ovis exhibetur. *Onom. Botan. Cl. GMELIN.*

CALTHA PALUSTRIS: Calyx nullus. Petala quinque. Nectaria nulla. Capsulae plures, polyspermæ.

Herba in officinis habetur; lumborum doloribus propitiam esse DIOSCORIDES; herbam causticam Helleboro similem BOERHAAV. hist. 378. DALE. Ab animalibus, ut ut acris, & caustica planta, avide expetitur, & absque noxa comeditur: flores necdum explicati ut flores Capparidis condiuntur, & asservantur. Clar. GMELIN.

DIDYNAMIA

GYMNOSPERMIA.

SIDERITIS SYRIACA: fruticosa, tomentoso-lanata; foliis lanceolatis, integerrimis; floribus verticillatis.

Folia officinalia sunt: vim habent excalefactoriam & acrem; Menses & Secundinas pelunt: DIOSCORIDES. Planta valde foetens, & graveolens, in Hysteria, & similibus usurpat. BOERHAAVE. DALE.

ANGIOSPERMIA.

PEDICULARIS PALUSTRIS: caule ramoso; calycibus cristatis, calloso-punctatis; corollis labio obliquis. Qued. Dan. 225. Corollæ purpureæ.

Recens